



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻՆԱԽԱՐԱՐ
ՀՐԱՄԱՆ

N 1015-Ա/2

26.05.2022թ.

ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ

«Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքին և վարչապետի 2022 թվականի մայիսի 6-ի N 488-Ա որոշմանը համապատասխան՝ բանաստեղծ, լրագրող Արմեն Շեկոյանի մահարձանի պատրաստման, տեղադրման, գերեզմանի բարեկարգման աշխատանքների իրականացմանն աջակցելու նպատակով

ՀՐԱՄԱՅՈՒՄԵՄ՝

1. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի «1195» ծրագրի (Հասարակության և պետության հանդեպ հատուկ ծառայություններ ունեցած քաղաքացիների մահվան դեպքում արարողակարգային միջոցառումների կազմակերպում) «11001» միջոցառման (Հասարակության և պետության հանդեպ հատուկ ծառայություններ ունեցած քաղաքացիների մահվան դեպքում հրաժեշտի ծիսակատարության և թաղման կազմակերպում, գերեզմանի բարեկարգման և մահարձանի պատրաստման ու տեղադրման աշխատանքներին աջակցություն) միջոցներից նախատեսված գումարներից Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ Նախարարություն) հատկացված 2277.41 հազար (երկու միլիոն երկու հարյուր յոթանասունյոթ հազար չորս հարյուր տասը հազար) դրամ գումարը տրամադրել Արմեն Շեկոյանի այրուն՝ Մարինե Գասումյանին, բանաստեղծ, լրագրող Արմեն Շեկոյանի մահարձանի պատրաստման, տեղադրման և գերեզմանի բարեկարգման

աշխատանքների իրականացման ծախսերին աջակցելու համար (բյուջետային ծախսերի տնտեսագիտական դասակարգման «Այլ նպաստներ բյուջեից» հոդվածով):

2. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և Նախարարություն գլխավոր քարտուղարի ստորագրմանը ներկայացնել սույն հրամանի 1-րդ կետում նշված գումարը Մարինե Գասումյանին հատկացնելու մասին պայմանագիր (այսուհետ՝ պայմանագիր):

3. Նախարարության մշակութային ժառանգության և ժողովրդական արհեստների, վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրի կատարման նկատմամբ հսկողություն, պայմանագրով նախատեսված աշխատանքների կատարման, բովանդակային և ֆինանսական հաշվետվությունների ընդունման և պայմանագրով նախատեսված աշխատանքների հանձնման-ընդունման արձանագրությունների կազմման և ստորագրման գործառույթները:

4. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Քոչարյանին:

X

ԱՐԱՅԻԿ ԽԶՄԱԼՅԱՆ

(պարտականությունները կատարող)